

阿育王傳

卷二

四百卅五

禽二

51048



元祿九年丙子二月日重脩

皇圖瓊閣 帝潛銀昌

佛日增輝 懋輪常轉

山城州天安寺法金剛院置



阿育王傳卷第二

西晉安息三藏安法欽譯

禽

阿恕伽王本緣三

阿恕伽王弟名宿大叟信敬外道譏說佛法作是言出家沙門無有得解脫者時阿恕伽王語宿大叟言何以知之荅言諸沙門等不修苦行好著樂事故阿恕伽王語宿大叟言汝今莫於不可信處而強生信可信不信敬於佛法僧應生重信阿恕伽王曾於一時共宿大叟出行遊獵見一婆羅門五熱炙身宿大叟心生信敬往到其邊禮足問言苦行已來經今幾時荅言經十二年常何所



食荅言食菓食根者何物衣荅言著於草衣
爲敷何物荅言敷草爲座問言汝今所行何
事最苦荅言唯見垂鹿行合之時欲心熾盛
以此爲苦宿大哆言汝著惡衣食於惡食猶
生貪欲況沙門釋子著好衣服而食好食能
無欲也我兄阿恕伽王無所別知爲諸沙門
之所欺誑時阿恕伽王聞弟此言語輔相曰
善作方便使宿大哆令得信解輔相荅言隨
王教勅王脫天冠瓔珞服飾著洗浴衣入浴
室浴輔相語宿大哆言王若死者汝當代之
今試著是天冠瓔珞爲好不也宿大哆即隨
其語而便著之坐御座上王出浴室見宿大

唆坐御座上而語之曰我猶未死汝已爲王
便作是言此中有誰時有真陀羅一手捉劍
一手捉鈴前白王言何所約勅王言宿大唆
我今已捨付汝治罪輔相言宿大唆是王親
弟唯願聽使懺悔改過王言用汝之語聽七
日爲王然後殺之於七日中爲作百千音樂
百千婆羅門合掌稱善百千伎女圍遶給伎
有四真陀羅以血塗手面狀欲殺人在四門
下高聲唱言一日已過餘六日在屠裂汝身
分分支體絕斷汝命將不云遠如上一日乃
至七日亦如是唱七日旣滿將宿大唆至於
王所王問弟言汝七日中極爲樂不宿大唆

答言我七日中目不見色耳不聞聲鼻不嗅
香舌不別味何以故見真陁羅捉劔唱言汝
已一日爲王餘六日在日日如是乃至七日
爲死火逼惱思惟怖畏通夜不寐有何樂也
王言汝憂一身之死猶尚不以王位爲樂況
沙門釋子觀生老病死憂悲之苦地獄種種
燒炙之苦畜生重擔更相殘害恐怖之苦諸
餓鬼等飢渴之苦人中福樂猶有八苦隨逐
其身況無福者諸天雖樂衰退時苦一切三
界受生之類身苦心苦如是等苦之所逼切
五陰如真陁羅六情如空聚五塵如怨賊三
界皆爲無常大火之所熾然一切無常苦空

無我以是義故云何當言沙門釋子不能苦
行無解脫也沙門之心於諸樂事都無所染
譬如蓮華不著於水獸患生死棄背世間亦
復如是云何不得解脫果也阿恕伽王以種
種方便教宿大叟宿大叟於是合掌白王言
大王我今當歸依三寶阿恕伽王即抱弟頭
而作是言我欲使汝信敬佛法故作是方便
不必殺汝宿大叟即以香華供養佛塔而聽
說法供養衆僧便向鷄頭摩寺到於上座夜
奢之所在前而坐聽其說法尔時夜奢觀宿
大叟過去之世種諸善根今已成熟應當現
身得入涅槃即爲讚歎出家之法宿大叟聞

是語已便生歡喜於佛法中欲求出家即起
合掌白尊者言今願聽我於佛法中出家學
道荅言子先應當白王宿大叟即往白王言
大王聽我出家我本狂醉如惡象無鈎王以
方便鈎我今得柔伏調順重垂哀愍聽我於
彼大明之所修出家法王聞是語抱頭哀泣
而語弟言莫發此意何以故出家名爲受醜
陋法著糞掃衣食乞於人所棄之食宿則樹
下敷以草葉病則服於陳棄之藥汝少來婉
樂不堪受此飢渴寒熱可息汝心宿大叟言
我今不爲厭患王位亦復不求天上之樂亦
復無有衆苦惱逼亦不貪於錢財珍寶亦不

怖畏怨敵之難而求出家也唯畏生老病死
之苦而求出家爲得涅槃而求出家王聞是
語舉聲大哭宿大叟言王不須哭生死輪轉
不曾休息會必別離何用哭爲王言汝今並
可試學乞食坐此樹下草敷上宿於是便與
鉢盂錫杖使從宮人次第乞食宮人皆與美
好飲食王責宮人言何以與彼好美飲食與
麁惡食使令調習宮人受教與麁惡食得亦復
食不生增減王見是已即語弟言聽汝出家
汝若出家必來見我宿大叟旣得聽已向鷄
頭摩寺而生念言若我於此出家必多妨鬧
即便往至他方遠國出家學道精勤修習得

阿羅漢道便生心念昔阿育王與我要言若
出家者必來見我今宜往見即於中前著衣
持鉢詣華氏城漸次乞食到王宮門語守門
人言宿大哆欲求見王守門之人即往白王
言宿大哆今在門外欲見於王王言疾將來
入宿大哆入王門阿育王見其弟便下御座
五體投地為之作禮起而合掌看宿大哆泣
淚而說偈言

一切有生類

聚集為歡樂

我今觀汝眼

不見親愛相

汝必得勝果

甘露滿汝心

羅提鞠多見宿大哆著糞掃衣執持瓦鉢乎
等乞食好惡皆受亦向於王而說偈言

觀宿大哆少欲知足所作已辦故能歡喜
棄王種族并華氏城珍寶庫藏及與榮祿
如捨涕唾履行聖種永斷結使滿足王種
得大名稱莫不歡喜

於是阿恕伽王扶宿大哆著御座上以上妙
飲食手自過與飲食已竟行清淨水取一小
座在前而坐求使說法宿大哆便為說偈

王位尊豪莫放逸

三寶難值當供養

說此偈已從座起去王與五百輔相城內人
民圍遶恭敬送到門外是名現證沙門之果
宿大哆作是念言我兄昔以多種方便化我
今入佛法之中今當使彼增益信敬即踊身

虛空作種種變阿育王與諸群臣舉手說偈
斷絕恩愛親如鳥飛空去我為王位縛
保愛於世事呵嫌譏賤我而自獨解脫
如此之果報由心得自在禪定之果報
愚闇盲不見汝今飛騰去破我之憍慢
我智力亦微使我得厭離

於是宿大哆飛向邊地到他國已即遇大病
頭髮墮落王聞其病遣醫賈藥往彼療治病
得瘥已髮生如故遣醫還去後宿大哆食酪
之時身則安隱為易得故徙就曠野牧牛邊
住時弗那槃達有尼軋陀弟子畫作佛像而
令禮拜於尼軋子像時佛弟子優婆塞者語

阿恕伽王言外有尼軋陀弟子盡作佛像令人禮拜外道尼軋子像王聞瞋恚即便駈使上及四十里夜叉鬼下及四十里諸龍等一日之中殺万八千尼軋陀子於華氏城華氏城中復有尼軋子亦盡佛像令人禮拜外道尼軋陀像時有優婆塞已告於王王聞大瞋捉尼軋陀并其眷屬以火燒殺擊鼓唱言若有能得尼軋子頭當賞金錢後宿大叟於尼軋子舍寄宿著惡衣服頭髮極長與尼軋陀子形自相類有鬼持刀在一面立宿大叟自生念言我之宿緣應爲此鬼之所殺害時鬼謂是尼軋陀子即便斬頭持至王所而索金錢王見識是宿大

哆頭復聞一臣道外沙門被殺害者多所有
者少極為懊惱悶絕躡地以水灑面久乃得
穌輔相白王言今諸沙門濫死者多王當施
於沙門無畏王即作号令言自今已後一切
沙門制不聽殺諸比丘等心生疑網而問尊
者優波毘多言有何因緣宿大哆為鬼所殺
荅言若欲知者至心諦聽過去之世有一獵
師水邊著罽有辟支佛乞食來過在其罽邊
樹下而坐時彼獵師不能得鹿自思惟以何
意故鹿今都不近我罽耶便四顧望見辟支
佛於其罽傍一樹下坐即以劔斬頭尔時獵
師今宿大哆是以其往昔斬辟支佛故墮地

獄中無量億劫受大苦惱乃至得道猶爲此
鬼之所斬殺比丘問言復以何因緣生貴族
家成阿羅漢答言過去久遠迦葉佛時供養
衆僧以此福報得生貴族又於尔時信心出
家一萬歲中修行梵行由是善因今成羅漢
半菴摩羅果緣第四

阿恕伽王於佛法中已得信心問優波鞠多
言佛在世時誰最大施答言有長者名須達
多最爲大施問言以幾許施答言以真金百
億阿恕伽王言彼長者尚能布施尔所珍寶
况我今者王閻浮提豈可不能於是便以已
身及拘那羅群臣大地用盡布施而起八万

四千寶塔及聲聞塔灌菩提樹合集計校都
得九十六億兩金於是阿怒伽王遇病知命
不全涕泣不樂羅提毬提於阿怒伽王昔施
土時在傍隨喜今得作最大輔相見王不樂
合掌而言大王王之威德譬如盛日一切人
民無敢正視唯有八万四千娑女得見王面
今王遇病如日將沒三界遷流有必磨滅當
思無常何為不樂王答言曰我今不以失王
位故而懷懊惱亦不以捨身命故而作憂苦
又亦不以捨宮人庫藏而作憂惱正以遠離
諸賢聖衆以為懊惱我本望滿百億金施今
方得施九十六億四億不滿用為懊惱羅提毬

提言庫藏甚多可施使足於是王便以金銀
珍寶與鷄頭摩寺王立拘那羅子式摩婁以
為太子邪見惡臣語太子言阿恕伽王命臨
欲終散諸庫藏悉與欲盡汝當為王夫為王
者以庫藏珍寶以為力用今應遮截莫使費
盡於是式摩婁共諸臣等因王疾患一切所
有斷絕不與唯聽以一金盤銀盤為王送食
王得此盤即用施與鷄頭摩寺於是乃至瓦
盤瓦器為王送食最後與王半菴羅摩勒果王
得果已即集諸臣而問言曰此閻浮提誰為
其主諸臣荅言唯王為主王言汝等虛妄道
我是主我非是主何以故我唯於此半菴摩

勒而得自在咄哉富貴甚可惡賤我為人帝
臨終貧匱唯有半邊菴摩勒果亦如暴河觸
山則止即說偈言

佛語是真實 所說無不然 說一切恩愛

皆有別離苦 我昔作詔令 無能遏絕者

今日如瀑水 觸山則流滯 今我之教令

不行亦如是 我昔於大地 普為覆蓋主

諸王有憍慢 我皆能制伏 貧苦無力者

我皆救濟之 先為他陰覆 今日勢力盡

譬如敗壞車 乃至無所直 猶阿怒伽樹

根枯而被杙 華果及枝葉 一切皆無有

我之無所直 其喻亦如是

法苑珠林卷第八

說是偈已即喚傍臣授菴摩勒與而勅之曰
汝持此果向鷄頭摩寺施彼衆僧可白上座
言阿恕伽王最後所施唯於此半菴摩勒果
而得自在一切所有悉皆喪失衆僧哀愍受
我貧苦最後之施使我得福上座夜奢約勅
衆僧汝等皆見阿恕伽王受福快樂於一天
下揔攬自在今日爲諸群下所制斷絕王物
使不自由唯於是半菴摩勒果隨意得用以
愍重心來施於僧即勅典事磨著羹中使一
切僧普得其供告諸比丘言以此之故當於
生死深生厭惡富貴快樂不久敗壞威勢自
在不久皆失咄哉生死甚可厭患傳告後世

諸王富貴得自在者莫如阿恕伽王爲諸群
臣之所禁制宜及勢力未衰患時應當盡心
作諸功德阿恕伽王臨欲命終語羅提邈提
今日於此閻浮提中誰得自在羅提邈提答
於王言尊得自在王聞此語即起合掌遍觀
四方而作是言唯除庫藏今以四海一切大
地悉施佛僧并諸前後所作功德不求轉輪
聖王釋梵尊位人天之樂正欲願我將來生
處心得自在速成聖果便作詔書以齒印付
與輔相羅提邈提於是氣絕遂便命終諸臣
乃以轉輪王法種種莊嚴供養殯葬立式摩
婁爲王羅提邈提諸群臣言阿恕伽王以大

地布施衆僧何以故欲學須達長者滿百億
施故存在之日唯施九十六億若以四億贖
閻浮提則滿先王所願群臣共議用四億金
贖閻浮提還與後嗣婁王婁子名耆呵提耆
呵提子名弗舍摩弗舍摩子名弗舍蜜哆弗
舍蜜哆共諸臣議言云何當使名字流布於
卍耶時有輔相荅言汝昔先王阿怒伽王閻
浮提起八万四千塔以百億金施隨佛法幾
時住卍名字常正王能學起八万四千塔名
字亦可久流於卍荅言昔者先王威德能辦
此事我今何能作如是業更可以其餘方便
同阿怒伽王不有邪見輔相言修福作惡二

俱得名先王能起八万四千塔名德久流汝
能壞之名流後世弗舍蜜哆便集四兵向雞
頭摩寺欲壞寺門尔時寺門有師子吼王大
恐懼不敢入寺復還歸來如是三返猶不得
入後乃使人喚諸比丘而語之言我欲壞佛
法汝等比丘欲留浮圖為留僧房比丘荅言
欲留佛圖於是蜜哆殺害眾僧毀壞僧房如
是次第至舍伽羅國而作募言有得沙門頭來
者當賞金錢時彼界內大浮圖中有阿羅漢
化作數万沙門之頭告語人民使持與王王
聞是已欲殺羅漢時此羅漢入滅盡定不能
得殺王即捨去往至偷羅厥吒國欲破佛法

其國土中有護佛法神作是思惟我受持佛
戒不能作惡云何當得護持佛法禁蜜舍鬼
昔求我女以彼行惡故我不與今為佛法當
與彼女以是因緣偷羅厥吒有大鬼神為作
擁護弗舍蜜哆無所能壞於是菩提鬼神誘
進守王鬼神將至南海禁蜜舍鬼擔大石山
而壓殺王及諸軍此衆處即名為深藏摩伽
提王種於是即斷

阿育王傳拘那羅緣本第五

阿恕伽王夫人字曰蓮華產生一子名為法
益有一輔相白於王言王應歡喜所以者何
王生一子面貞端正其眼最勝王聞此語心

生慶悅而作是言先王之種有大名稱我今
復能增長於法而生此子故遂立名以爲法
益乳母將兒來至王所王見兒已心生愛厚
即說偈言

此子眼最勝

甚有大福德

如初生青蓮

莊嚴在於面

亦如圓滿月

見者無不喜

說此偈已語輔相言頗見人眼有似我此小
兒眼不輔相答言一切人中未曾聞見唯聞
雪山有鳥名拘那羅眼最爲好王即勅夜叉
言可疾取彼雪山之中拘那羅鳥吾欲見之
時有夜叉即應王命一刹那頃取彼鳥來至
王所王觀此鳥眼小而好與兒之眼等無有

異是故字兒爲拘那羅此名流布普皆聞知
故遂号之名拘那羅也及年長大爲之取妻
字真金鬘王與其子至雞頭摩寺時彼上座
觀拘那羅不久之頃必當失眠即語王言何
故不使拘那羅子常令聽法王便勅子言汝
今應當順上座教時拘那羅合十爪掌向上
座所而作是言有何教勅唯請從之上座勅
言眼者無常不可恃怙當勤修集定慧之行
於是拘那羅受教即退在宮靜處而自思惟
觀眼苦空無常無我時阿育王第一夫人名
帝失羅叉向拘那羅所見其獨坐愛惑眼故
抱拘那羅而作是言猛火熾然燒於山野姪

欲逼我亦復如是汝今與我宜相愛樂拘那
羅聞是語已以手覆耳而說偈言

此語不和善 塞耳不欲聞 云何以母道

於子有欲想 非法欲不斷 是為惡趣門

帝失羅叉瞋恚而言汝不從我不久之間必

當滅汝拘那羅復說偈答言

願守淨法死 不受姪欲生 破壞天人道

賢智所呵責

帝失羅叉從是已後常求其短時北方有國

名軋陁羅其國有城名得叉尸羅彼城人民

叛逆不順王躬欲往討伐其城輔相諫言王

不須往可遣一子征撫而已王便問子拘那

羅言汝能伐彼得叉尸羅國不答言能伐王
知子意歡喜欲去莊嚴道路諸有老病死亡
憂苦乞匄之徒約勅國界使遠道側阿恕伽
王親共其子乘羽寶車而自送之將欲別時
抱頭而哭視子而言彼人福德得見汝眼時
有相師婆羅門占言王愛子眼而其子眼不
久之間必當破壞今見兒眼無不歡喜後若
壞者一切憂苦拘那羅已漸前進至得叉尸
羅城城中人民聞拘那羅來嚴治道巷捉持
吉瓶以示伏相半由旬迎旣見拘那羅合掌
而言我等人民不叛於王亦不叛王子但叛
王邊諸惡臣耳極設供具恭敬圍遶將入城

中阿恕伽王生大重病口中糞臭身諸七孔
皆糞汁流出無人能治王勅大臣可喚拘那
羅以爲王位我死不久用惡活爲王大夫夫人
帝失羅又聞是語已而自思惟若拘那羅爲
王我無活理即作方便白王說言莫聽醫入
我能治王王便斷醫不聽使入帝失羅又遍
勅一切男子女人若有重患如王病者慎莫
治之皆勅將來時有一見得如此病婦詣醫
所而作是言我之夫主有如此病醫即荅言
速往將來爲汝治之遂將至醫邊醫便將向
帝失羅又所帝失羅又得即殺之破腹而看
見其腹中有一大至重上去時糞亦隨去至若

下時糞亦逐去於是便以末椒而與亦復不
死種種辛物持用與之猶故不死乃至與葱
垂便即死逐糞道去以是因緣勸王食葱王
言我是刹利之種云何食葱帝失羅又重白
王言爲治病故必應服之於是食葱而垂即
死逐糞道出王病得差語帝失羅又言汝欲
得何願答言欲得七日作王王即聽使作王
七日帝失羅又既得聽已而自念言我今正
是報拘那羅怨惡之時便詐作詔書語得又
尸羅國人言挑拘那羅眼何以故拘那羅有
大罪過急挑眼出阿怒伽王極爲嚴峻莫復
稽違以犯王制封書之時要得王齒印封其

書帝失羅又伺王眼睡欲印此書王輒怖畏
而自覺悟帝失羅又問於王言何以卒覺我
向惡夢見二鷲鳥欲挑我子拘那羅眼作是
語已而復還眠第二亦復眠中卒覺語夫人
言我復惡夢夫人問言見何等夢荅言夢見
拘那羅頭髮甚長在地而坐夫人言但好安
眠誰害王子王還睡眠夫人以王齒印印書
遣使賣書勅得又尸羅國人挑拘那羅眼王
復夢見齒墮落王至早起便喚相師而占此
夢相師占言如此之夢必是王子失眠之相
王聞此語合十指掌歸命四方護佛道神信
法信僧者願護我子書既至彼得又尸羅城

城中人民愛敬法僧仁篤之厚乃至無有示
此書者而共議言王尚不能恩及其子於我
人民何能愛惜拘那羅者每於一切群生之
類恒懷悲愍普欲救拔諸根調順無有憍慢
如此之子而欲毀害況我等輩便隱此書久
乃方出與拘那羅拘那羅得書即信其語而
作是言隨諸人意取我之眼時無有人取其
眼者便喚真陀羅使令挑眼真陀羅不肯而
言寧可壞我目云何當壞如此之眼於是用
一寶篋價直十萬兩金雇真陀羅以挑已眼
猶故不肯業緣應熟自然有人面十八醜來
求挑眼拘那羅見已便憶上座夜奢說眼無

常之語乃作是念良由見我必應受此壞眼
業報故作此語真是我之善知識也憐愍我
故預垂教勅欲使我心受報之時不生恐怖
昔者上座又勅我言三有無常危脆如幻我
乃久知眼之壞相當取堅法即語醜人言可
取一眼著我手中時彼醜人便即向於拘那
羅所欲挑眼取著其手中一切人民稱怨大
喚皆作是言恠哉苦哉明淨之月自然崩墮
極妙蓮華而被毀壞數万億人啼哭懊惱不
能自勝於是拘那羅觀掌中眼而作念言咄
哉此眼汝今何故不觀色也本謂汝好今但
是凡鄙肉團誑惑愚人謂中有我橫生愛重

直是衆緣假合成耳都無實眼如水上的泡不
放逸者能作此觀便脫生死作是思惟時得
須陀洹道已得見諦語醜人言更取一眼便
從其語挑其眼取著其掌中時拘那羅重觀
是眼得斯陀含捨肉眼故得法眼淨而作是
語挑我肉眼而得慧眼捨生死父作法王子
雖失富財得於法財永離憂苦後時拘那羅
乃知此書帝失羅叉之所詐作實非王教便
爲願言使大夫人帝失羅叉長壽安樂無諸
衰患何以故由彼方便壞我目緣獲得法利
拘那羅婦真金鬘者聞其夫主被挑兩眼即
向夫所見挑眼血汚其身體懊惱哽咽悶絕

躡地以水灑面還得醒悟起立啼哭而作是
言妙好清淨眼毀壞乃如此拘那羅以偈答言
自作此惡業 今日自受之 一切世界苦

恩愛會別離

汝應遠苦惱

何用啼哭爲

城中人民駟拘那羅夫婦二人今出外去而
其夫婦生來處樂不堪苦事執持作役彈琴
歌乞以自存活展轉而去向華氏城至王宮
門欲入宮中守門之人不聽使入拘那羅即
於門邊象廡中宿天明彈琴琴中說已辛苦
挑眼得道因緣智者聞之自觀陰入皆得出
離生死之苦王聞歌琴聲而作是言此琴之
聲似拘那羅聲其聲之中作辛苦言亦復更

作自大之聲我聞此聲剛強心滅如象失子
遣人往看見拘那羅無眼黑瘦而不識之還
白王言有一乞人眼盲黑瘦婦在其邊王聞
是語已而作念言我本夢見拘那羅子失其
兩目此非是也憶念我子心不暫停當速喚
之即遣人復至象旣問盲人言汝是何人爲
誰之子盲人答言我父是彼阿怒伽王王聞
浮提於一切人皆得自在我是彼子字拘那
羅亦更有父爲大法王号名佛隨使人即將
盲人夫婦至於王所王見拘那羅眼盲黑瘦
衣裳弊壞都欲不識見少形相而生髮鬚即
問言曰汝是拘那羅也答言我是王聞其語

悶絕躄地以水灑面還復蘇息捉拘那羅者
於膝上手摩捫眼涕泣而言汝眼本似拘那
羅故遂以為字今悉無有以何為名今可道
之誰挑汝眼譬如虛空無月無星誰無悲心
能壞汝眼作於汝眼作終身苦拘那羅子誰
令汝眼乃使如此速疾語我我今見汝身形
骸憔悴燒我身心都悉壞盡如似被於金剛
之雹拘那羅言願莫憂惱父不聞也佛亦受
報緣覺聲聞及諸凡夫等無有脫者應受報
者善惡之業終不敗亡我自造業不可怨他
非刀劍害亦非金剛非火非毒非怨惡虵非
介所苦來逼我身先作此業今受其報使他

憂苦甚非所宜一切有身皆如射的衆箭著
之此身亦尔衆苦集之阿怒伽王雖聞此語
猶爲憂火焚燒其心復告子言阿誰無愛生
挑汝眼拘那羅言父勅使挑王言我若勅人
使挑汝眼當自截舌拘那羅言得父齒印王
言若與齒印當拔我齒若以眼見自挑其眼
帝失羅又喚連華夫人而語之言今挑我眼
當與我子乞索自活王聞此語便作是念必
帝失羅又挑我子眼即喚帝失羅又而告之曰
不吉惡物何地載汝不自陷沒破壞法物汝實
我怨詐懷親附王轉懊惱瞋恚火起諦覘羅叉
復作是言汝壞我子眼今當爪脰汝之身肉

生貫著於高樹之上以鋸節節解汝之形刀
截汝舌捉大鈍斧剋汝骨髓椎汝身骸著火
坑中以衆惡毒灌汝之口作種種罵拘那羅
聞便生悲心而白王言帝失羅叉修行惡法
是以如此王今應當修於聖法不宜殺害於
彼女人嬰兒愚小不應生瞋王猶不聽作胡
膠舍以火燒殺亦復燒殺得叉尸羅城中人
民諸比丘等見是事已心生疑網便問尊者
優波鞠多言拘那羅者有何因緣今被挑眼
尊者答言善聽當為汝說昔者波羅柰國有
獵師夏任人間冬入山獵將向雪山值天雹
雨有五百鹿共入一窟作是念言若都殺者

肉則臭爛挑其眼出日食一鹿即便挑取五
百鹿眼以是業緣今被挑眼今時獵師拘那
羅是從余已來五百身中常被挑眼又問言
曰復以何緣生於王家形貌端正得見諦道
答言昔者人壽四萬歲時有佛名迦羅迦孫
大化緣已訖入無餘涅槃今時有王名曰端
嚴爲佛起石塔七寶莊嚴辟方四十里其端
嚴王已死後更有一王名曰不信偷取塔寶
唯留土木衆多人民於此塔所涕泣懊惱有
長者子問衆人言何以涕泣答言迦羅迦孫
大佛塔七寶所成今爲人壞盡取其七寶唯
土木在是以涕哭時長者子還以七寶修治

此塔莊嚴如故又告大眾與迦羅迦孫大佛
身齊等因發正願使我未來如似此佛得勝
解脫清淨妙果以其介時造寶塔故今生尊
貴豪族之家由其往昔造佛像故今得端正
以其往時發正願故今獲道跡
阿育王現報因緣第六

昔阿恕伽王時師子主國貢獻五枚如意寶珠
王得珠已即以一者施佛生塔二者施與善
提樹塔第三施與轉法輪塔第四施與佛涅
槃塔餘有一珠欲與諸夫人若與一者恐餘
者恨阿恕伽王即遣人入宮唱言其有衣服
瓔珞最第一者當與此珠一切夫人皆自肆

力方便求好衣服瓔珞唯有一小夫人字須
闍哆憶念佛語戒衣服瓔珞最爲第一作是
念已受持八戒著純白衣阿怒伽王次第觀
諸夫人后妃服飾瓔珞見諸夫人各以伎樂
而自娛樂到須闍哆夫人所見其徒黨悉皆
寂默容儀齊整著鮮白衣王心自然甚生恭
敬又其衆中有說法座即時禮敬而語之言
諸夫人等皆著上服伎樂自俱汝等何以寂
默而住夫人荅王言佛說慚愧爲上服戒德
爲勝瓔珞法音爲伎樂我等諸人受持八戒
以當瓔珞自各著於慚愧素服更共說法以
爲音樂王聞此語欣然歡喜復語言曰我先

有教其有著第一上服瓔珞者當與寶珠今
汝等最爲第一與汝寶珠諸夫人見得寶珠
後皆相學受持八戒

昔阿恕伽王常請衆僧入宮飲食有一比丘
名優鉢羅年在盛壯端正殊持口作優鉢羅
蓮華之香王自行水下食聞此道人口氣作
優鉢羅華華香王即作念此比丘年少端正口
中含香將不欲動我宮人之心王時即語以
水洗口口倍復香王問之言久近合此香也
荅言過去有佛号名迦葉人壽二萬歲我於
尔時爲高座法師以讚歎佛法故四十九億
歲生於人天之中不墮三塗八難之處口中

恒作如是之香王聞語已生歡喜心倍加恭敬作禮而去

昔阿瑟伽王使道人說法時以步障遮諸婦女使其聽法尔時法師爲諸婦女說法恒說施論戒論生天之論有一婦女分犯王法發幕向法師前問法師言如來大覺於菩提樹下覺諸法時覺悟施戒也更悟餘法法師答言佛覺一切有漏法皆苦猶若融鐵此苦因從習而生猶如毒樹修八正道以滅苦習是女人得聞此語獲得須陀洹道以刀繫頸往到王所而白王言我今日犯王重法願王以法治我王問言汝犯何事答言我破王禁制

至道人所譬如渴牛不避於死我實渴於佛
法是以冒突聽法王問言汝聽法頗有所得
不荅言得法見四真諦解陰入界及以諸大
皆知無我逮得法眼王聞是語踊躍歡喜即
爲作禮即唱令言自今已後不聽障隔樂聽
法者聽直至法師所對面聽法歎言竒哉我
宮內乃出人寶以是因緣當知聽法有大利益
昔阿恕伽王見一七歲沙彌將至屏處而爲
作禮語沙彌言莫向人道我禮汝時沙彌前
有一澡瓶沙彌即入其中從澡瓶口復還出
來而語言王慎莫向人道沙彌入澡瓶中復
還來出王即語沙彌言我當現向人說不復

得隱是以諸經皆云沙彌雖小亦不可輕王
子雖小亦不可輕龍子雖小亦不可輕沙彌
雖小能度人王子雖小能殺人龍子雖小能
興雲致雨雷電霹靂所謂小而不可輕也

昔阿恕伽王深信三寶常供養佛法衆僧諸
婆羅門皆生嫉妬共相聚集簡選宿舊取五
百人皆誦四圍陀大典天文地理無不博達
共集議言阿恕伽王一切盡供養剃頭禿人
我等宿舊未曾被問當設何方便使彼意迴
有一善呪婆羅門語諸婆羅門言諸賢但從
我後却後七日我當以呪力作摩醯首羅身
飛行到王宮門汝等應當步從我後我能使

其大作供養汝等都得諸婆羅門皆共然可
到七日頭善呪婆羅門即自呪身化作摩醯
首羅於虛空中飛到王門頭諸婆羅門亦皆
侍從到王門頭遣人白王言虛空中有摩醯
首羅將四百九十九婆羅門從空來下今在
門外餘婆羅門在地而立欲得見王阿恕伽
言喚使來前便喚來入坐於兩廂牀上王言
小坐共相問訊即語之言摩醯首羅何能屈
意故來相見欲何所須荅言須飲食即勅厨
中擎五百案飲食著前摩醯首羅等皆手推
言我從生已來未曾食如此食阿恕伽荅言
先不約勅不知當食何食摩醯首羅等皆同

聲言我之所食食剃頭禿人阿恕伽王即勅
一臣汝往到鷄頭摩寺語尊者耶奢王宮內
有五百婆羅門一自稱言摩醯首羅不知爲
是人爲是惡羅刹請問所以願阿闍梨來爲
我駢遣所使之人是邪見婆羅門弟子到彼
衆中不稱實如王所言語衆僧作如是言阿
恕伽王有五百婆羅門顏貌狀似人語似羅
刹作是言正欲得汝沙門作食上座耶奢即
語維那鳴椎集僧起辭衆僧言我年已老耄
我爲衆僧當知此事衆僧安隱護持佛法聽
我使去第二上座言上座不應去我身無所
堪能唯我應去第三者言第二上座不應去

正應我去如是展轉乃至沙弥十六万八千
僧中其最下頭七歲沙弥起衆僧中長跪合
掌而作是言一切大僧不足擾動我旣幼小
不能堪任護持佛法唯願大衆必聽我去上座耶
奢極大歡喜手摩沙弥頭言子汝應去使人不待即
於先去阿怒伽言頗有來者無使人答王言更相移
致科次最下沙弥來王作是言大者著耻故使小
者來使作對阿怒伽王聞沙弥來即出門迎坐此
沙弥著御座上諸婆羅門皆大瞋恚阿怒伽王大
不識別我等宿德尚不起迎爲此小兒而自出
迎沙弥問王言何以見喚王時答言此摩醯首
羅欲得阿闍梨爲食隨阿闍梨欲爲作食不爲

作食沙弥言我年幼小朝來未食王先施我
食然後我當與彼令食王即勅厨宰擎食來
與食一案食悉皆都盡如是擎五百案食與
皆都盡問言足未荅言都未足王復勅厨言
所有餘食盡擎來與沙弥沙弥得食忽尔都
盡問言足未荅言未足飢渴如本厨監白王
飲食都盡王言庫中麩備千人食一切都般
來倏忽都盡王問言足未荅言猶未足王荅言
一切飲食悉皆都盡更無有食沙弥言最下
頭婆羅門將來我欲食之即時噉盡如是悉
食四百九十九婆羅門悉皆令盡摩醯首羅
極大驚怖飛向虚空沙弥即時座上舉手從

虛空中授頭復噉使盡王即時驚怕噉諸婆
羅門使盡復不噉我不沙弥知王心念即語
王言王是佛法檀越終無損減慎莫驚怕即
語王言王能共至雞頭摩寺不王言阿闍梨
將我上天入地皆當隨從沙弥即時共王到
雞頭摩寺王見沙弥朝所食之食諸衆僧等
皆分共食所食五百婆羅門皆剃除鬚髮被
著法衣在諸衆僧下行末坐最初食者最在
上座頭摩醯首羅最在行末五百人見王沙
弥極生慚愧我等尚不能與此沙弥共戰何
況與諸大衆而共捕力猶如鵠毛俟於爐炭
猶如蚊子與金翅鳥捕飛遲疾猶如小兔共

師子王掬其威力如此之比不自度量五百
婆羅門心生慚愧得須陀洹道

昔阿恕伽王見出家者不問大小悉皆禮拜
諸邪見臣恠其所作若見宿舊有大德者為
可禮敬幼小無德何煩自屈禮敬王王閻浮
提名有聖德應當自重云何輕作禮敬此言
展轉王得聞之王既聞已集諸群臣不聽殺
生各仰人得一種頭若馬牛若百獸之頭唯
勅耶奢大臣使得自死人頭一仰使於市賣
之一切諸頭悉皆得隻唯有人頭獨不得隻
諸人皆言所賣之頭普悉得隻唯有人頭獨
不得隻王時問言何以不隻一切物中何者

爲貴諸臣荅言唯人最貴王言人爲最貴應
得多價云何不集諸臣荅言人生時雖貴死
爲最賤人頭尚無有欲見況當有買者王問
言一切皆賤唯此頭賤荅言一切皆賤王言
若一切人頭皆賤今我頭亦賤耶亦時耶奢
怕不敢荅王言耶奢直實荅我耶奢荅言實
如王言實亦不異王言我頭與此不異者汝
何爲遮我不使禮拜汝若是我真知識者應
當勸我禮拜何緣我自作禮汝便嗤笑我今
頭有所直應當敬禮賀易貴頭後無所直云
何可用賀易勝頭若是我親善知識者曼我
頭有所直應當勸我作禮使我將來得諸天

身賢聖勝頭

昔阿怒伽王供養衆僧。爾時宮中有一下賤婢。見王作福。自責先業。心生不樂。作是念言。王福復轉增。我罪轉多。何以故。王先身修福。今得富貴。今日重作。將來轉深。我先身有罪。今爲廝下。今日無以可用。修福將來轉賤。何有出期。衆僧食訖。此女糞掃中得一銅錢。以此一錢。即施衆僧。心生歡喜。其後不久。得病命終。生王夫人腹中。滿足十月。生一女子。端正殊妙。然其右手急拳。年滿五歲。夫人白王。所生女子。一手急拳。王喚著前。王爲摩手。手即得展。當手掌中有一太金錢。隨取隨生。不

曾有盡王恠所以將問耶奢此女先身作何
福德令此掌中常生金錢耶奢荅言先身之
時是王宮人糞掃中得一銅錢用施衆僧以
是因緣得生王宮以此布施衆僧因緣手把
金錢用不可盡

昔阿恕伽王庫藏之中有一錢如意珠是昔
阿闍世王寶鎧一甲上有文字阿恕伽
王見此珠上有文字而作是言遺將來世貧
窮阿恕伽王得是語極生瞋恚作是言曰
阿闍世作一國王而我王閻浮提云何言我
貧窮也

有一智臣荅言試珠所能王即遣人試珠所

能有捉珠者能使斫刺都不得近身上有瘡
捉便得愈寒時得暖熱時清涼此珠力故能
使服毒自然消化著濁水中能使四十里濁水
自然澄清王庫藏中雖有種種珠乃無此一
珠王自思惟我實貧窮彼阿闍世王有此寶
鎧唯留缺壞一甲德量如是當知先舊佛在

時人福德深厚我之薄福生在佛後

昔阿恕伽王使上座耶奢請尊者賓頭盧耶
奢語王好煎酪酥極令香美尊者賓頭盧將
八万四千羅漢一時來至僧集坐定王自行
水手自過食與尊者賓頭盧飯純酥用澆王
白尊者酥性難消能不作病尊者荅言不作

患也何以故佛在世時水與今日酥氣力正
等我身是彼時身以是之故今不爲患王問
言何由乃尔尊者賓頭盧伸手入地下至四
万二千里取地肥示王而語王言今人薄福
肥膩之事肥中肥膩皆流入地以是因故知
佛在時人福德深厚

昔阿恕伽王太史占相白如是時言王有衰
相王問太史云何禳却太史荅言唯有修福
可得禳却王時即造八万四千塔作諸功德
王問太史惡相滅未太史對曰猶故未滅復
問尊者耶奢何由得滅尊者荅言王自修福
專於一己故此福輕勸一切共修福者斯誠

寬曠福鍾亦重可以獲災可以除害王聞是
語即著微服勸諸國人索物作福到一貧女
人舍尔時女人唯有一氎以障身體聞作福
聲心生歡喜即入屋裏向中過氎授與王語
言何不自出過與答言唯有此氎以障於身
今脫布施身形裸露不得自出王聞是語歎
未曾有還至宮中以諸夫人衣服瓔珞來迎
此女請為姊妹封大村落以布施之功華報
如此受果在後

昔阿恕伽王遍行勸索欲用作福到一貧家
夫婦二人著麁弊衣粗得遮體語言阿恕伽
王憐愍百姓欲使得福勸共作會貧人夫婦

心中自責我先身時由慳貪故今得貧窮今日無財可以修福夫婦議言我等當以身質財福業難值得財與者不亦快乎夫婦相將即詣富家語言與我七枚金錢夫婦身質滿七日若不得者我身及婦為汝奴婢長者聞已歡喜即與七錢于時夫婦尋賣此錢與勸化者勸化者問言汝從何處得此錢來以用布施夫婦荅言貧乏絕無錢財欣遭福田無以修福從富長者假此錢以身為質若其過限夫婦二人許為婢奴勸化者言如是質假其事甚難何用布施貧人荅言先身不作今日以厄受此貧苦故今努力傭假布施以是

因緣願使將來之身必得富樂王到宮中自以己衣服瓔珞及所乘馬并諸夫人衣服瓔珞即與彼封大村邑阿瑟伽王如是勸化作福惡相即滅也

昔阿瑟伽王欲取阿闍世王所舉舍利阿闍世王著恒河中作大鐵劔輪使水輪轉著舍利處種種方便取不能得問蓮華比丘云何可得比丘荅言擲數千斛柰著中可得止輪尋用此語以柰著去水中偶試一柰柰墮機關孔中劔輪即定更不迴轉然大龍王守護都不可得王時問言何由可得荅言龍王福勝無由可得問言云何知波福勝荅言以金

鑄作龍像及以王像以秤秤之重者福勝即
時秤量龍像倍重王見此事即勤修福既修
福已復更鑄像復更秤量王像龍像秤量正
等王更修福復更鑄像秤看王像轉重王知
像重將諸軍衆往到水邊龍王自出獻種種
寶王語龍言阿闍世王遺我舍利我今欲取
龍王自知威力不如即將王至舍利所開門
取舍利與阿闍世王所造油燈始欲盡漸舍
利既出燈亦盡滅

王恠而問蓮華比丘云何阿闍世王裁量油
燈至取舍利方始乃滅尊者荅言彼時有善
筆者計百年中用尔許油用如是計故使至今

阿育王傳卷第二

禽

大哆

可下反丁鈴

巨廉

瓜分

花上反古寐

寐二反婉樂

紆上

阮也反錫杖

擊上先曼

反莫官徙斯綺

反牧牛

放音日

上音日

上音日

上音日

上音日

甦字蘇

字蘇

俱大反也

也

也

也

也

也

也

吾骨反樹無

印

字印

殯葬

上必

乞

凶

下音蓋

也

醫字醫

椒

子濟反挑

士

替

遲

上音鷄

凡

鄙

碑美反老

老

老

下莫

到反年

泡

音拖

哽

咽

於結反也

象

廐

二

字音

烏救

屋

髣

上

下音拂又芳末

象

廐

二

字音

烏救

屋

髣

上

音司

雷

反蒲角

陷沒

去上聲

瓜

瓜

下紆

取也

不真之像

反

弊

壞

反破

瓜

瓜

下紆

取也

不真之像

反

弊

壞

反破

瓜

瓜

下紆

取也

不真之像

反

弊

壞

反破

瓜

瓜

下紆

取也

不真之像

反

弊

壞

反破

瓜

瓜

下紆

取也

金刀音
一
穠
鈍
斧
也
上
徒
困
反
不利
推
汝
反
音
屈

吹
辟
方
亦
上
必
反
嘿
突
骨
反
黠
字
徒
觸
也
屏
處
上
音
餅
也

滌
瓶
上
音
早
亦
作
露
塵
上
音
雷
聲
疾
激
也
閤

誼
亦
下
音
信
訃
著
耻
上
音
拔
頭
手
捉
頭
也
蚊

子
上
音
金
翅
下
音
施
售
音
操
賣
去
捕
力
上
音
也

一
作
噓
笑
或
上
尺
之
反
笑
賀
易
上
音
莫
作
賀
反
寶
鎧

下
苦
改
甲
酪
酥
二
音
讓
却
羊
反
庸
假
上
音
容
下

斛
胡
谷
反
十
也

